

STRYN KOMMUNE
Tonningsgata 4
6783 STRYN

Vår dato: 20.08.2018
Vår ref.: 201833840-5
Arkiv: 312
Dykkar dato:
Dykkar ref.:

Sakshandsamar:
Brit Torill Haugen

Utvik Elektrisitetsverk – Søknad om løyve til nye Utvik kraftverk i Stryn kommune i Sogn og Fjordane – høyring

NVE har fått ein søknad frå Utvik Elektrisitetsverk, datert 20.07.2008, om løyve til nye Utvik kraftverk i Stryn kommune.

Utvik kraftverk vart øydelagt i ein intens regnflom i juli 2017. Oppbygginga av eit nytt kraftverk er planlagt med inntak ved det gamle inntaket på kote 280 og med ny plassering av kraftstasjonen på kote 10. Kraftstasjonen blir dermed plassert lenger ned og på andre sida av elva i høve til den gamle kraftstasjonen. Vassvegen skal delvis fylgje den gamle traseen og vil bli nedgraven over heile strekninga. Det er ikkje naudsynt med ny veg.

Middelvassføringa i Storelva er berekna til 1200 l/s, og kraftverket er planlagt med ei maksimal slukeevne på 2550 l/s. Kraftverket får ein installert effekt på ca. 5,8 MW og vil etter planane gje ein årsproduksjon på om lag 18 GWh. Det er planlagt slepp av minstevassføring på 90 l/s heile året. Dette svarar til den berekna verdien for alminneleg lågvassføring.

Det er søkt om løyve etter energilova for bygging og drift av nye Utvik kraftverk med tilhøyrande koplingsanlegg og kraftline.

Det er òg søkt om samtykke til å ekspropriere manglande fallrettar i medhald av oreigningslova dersom ein ikkje oppnår minnelege avtaler med rettshavar.

Søknaden skal handsamast etter reglane i kapittel 3 i vassressurslova og gjeld løyve etter vassressurslova § 8. Søknaden skal òg vurderast etter «forskrift om konsekvensutredningar etter sektorlover». Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringsa ligg ved.

NVE ber Stryn kommune leggje to eksemplar av søknaden ut til offentleg ettersyn på Servicekontoret i kommunehuset fram til **02.10.2018**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Abels gate 9
7030 TRONDHEIM

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR

Vi syner elles til vedlagde informasjonsark som forklarar sakshandsaminga frå saka blir sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **02.10.2018**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna blir referert i eit endeleg vedtak. Om fråsegna er lang, er det derfor ein fordel om det blir utarbeida eit samandrag som kan brukast til dette.

Med helsing

Øystein Grundt
seksjonssjef

Brit Torill Haugen
seniorrådgjevar

Dokumentet vert sendt utan underskrift. Det er godkjent etter interne rutinar.

Vedlegg:

Mottakerliste:

Arne Valaker
Direktoratet for mineralforvaltning med Bergmesteren for Svalbard
Forum for Natur og Friluftsliv Sogn og Fjordane
Fylkesmannen i Sogn og Fjordane
Magne Sølvberg
Naturvernforbundet i Sogn og Fjordane
Norges Jeger- og Fiskerforbund - Sogn og Fjordane
Norges Miljøvernforbund
Norsk ornitologisk foreining, avdeling Sogn og Fjordane
SFE NETT AS
Sogn og Fjordane Bondelag
SOGN OG FJORDANE FYLKESKOMMUNE
Sogn og Fjordane Turlag
Statens Vegvesen - region vest
STRYN ENERGI AS
STRYN KOMMUNE
Utvik Ungdomslag v/Aslaug Valaker

Kopi til:

Terje Myklebust
Utvik Elektrisitetsverk SA



ORIENTERING TIL HØYRINGSPARTANE (revidert februar 2013)

Generelt

NVE er konsesjonsstyresmakt i saker som gjeld utbygging av småkraftverk (inntil 10 MW) og andre vassdragstiltak. Kongen i statsråd gir løyve til større kraftutbyggingar.

Denne orienteringa gjeld saker der NVE kan gi løyve etter vassressurslova § 8.

Handsaming av søknaden fram til endeleg vedtak

NVE handsamar dei fleste av søknadane i grupper, vanlegvis etter geografisk plassering. Dette effektiviserer sakshandsaminga samstundes som høyringspartane og NVE kan sjå søknadane i samanheng.

NVE sender søknadane på høyring til kommunar, fylkesmenn, fylkeskommunar, statlege forvaltingsorgan og interesseorganisasjonar som søknadane vedkjem. Høyringsperioden er vanlegvis tre månader for søknadar som blir handsama gruppevis, og minst seks veker for enkeltsaker. Ein eventuell søknad om utsett frist må vere grunngeven. NVE ventar at høyringspartane gir fråsegn på sjølvstendig grunnlag. Vanlegvis blir det ikkje gitt løyve til søknad om utsett frist, dersom det kan forseinke sakshandsaminga.

Søkjar får høve til å kommentere innkomne fråsegner før NVE gjennomfører synfaring. Dei som har uttalt seg i samband med høringa, blir inviterte til å delta på synfaringa. I konsesjonsvurderinga veg NVE fordelar og ulemper mot kvarandre, jf. vassressurslova § 25. Olje- og energidepartementet har som overordna politisk styresmakt gitt retningsliner for handsaming av små vasskraftverk. Desse er å finne på NVE sin nettstad: nve.no.

Dersom NVE gir løyve, blir det knytt vilkår til dette, jf. vassressurslova § 26. Vilkår vil omfatte mellom anna vasslepp, naturforvaltning, kulturminne, frist for bygging og sanksjonar ved eventuelle brot på vilkåra.

Kva forventar NVE av høyringspartane?

NVE ønskjer mest mogleg konkrete synspunkt på om løyve bør bli gitt eller ikkje, val av eventuelle alternativ og forslag om avbøtande tiltak. Fråsegner om energipolitikken til styresmaktene på eit generelt grunnlag, er av avgrensa nytte i sakshandsaminga.

Særleg der søknader blir handsama i grupper, ønskjer NVE synspunkt på den samla belastninga.

Dersom partane er kjend med tilhøve som det ikkje er opplyst om i tilstrekkeleg grad i søknaden, ønskjer NVE opplysningar om det.

Det blir forventa at kommunar, fylkeskommunar, fylkesmenn og andre styresmakter gir fråsegn med utgangspunkt i sine høvesvise ansvarsområde. Kommunane blir spesielt bedne om å vurdere søknadane opp mot gjeldande arealplanstatus.

Fråsegnene, opplysningane i søknaden og retningslinene frå Olje- og energidepartementet er viktige for vurderinga og vedtaket til NVE.

Rett til motsegn og klage

Ein treng ikkje handsama energianlegg etter plan- og bygningslova, og det er ikkje lenger krav om reguleringsplan. For å ta vare på meininga bak motsegnsinstituttet i plan- og bygningslova, er det gitt reglar i energi- og vassdragslovgjevinga om rett til motsegn og klage, jf. vassressurslova § 24. NVE vil understreke at ei eventuell motsegn må bli fremja i høyringsperioden. Sjå nettstaden vår for meir informasjon: nve.no/konsesjoner.

Partane kan klage på NVE sitt vedtak til Olje- og energidepartementet innan 3 veker frå det tidspunkt dei mottok orientering om vedtak. NVE syner til kapittel VI i forvaltningslova om klage og omgjerding.